

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 183. sjednici, održanoj dana 01.12.2022. godine, d o n o s i

## ZAKLJUČAK

### I.

Prihvata se Odgovor Ministarstva za obrazovanje, nauku, kulturu i sport, broj: 10-34-1178-5/22 od 22.11.2022. godine, u vezi sa Prigovorom Begagić Amile iz Zenice, podnesenim na Rješenje o konačnom imenovanju predsjednika i članova Upravnog odbora Univerziteta u Zenici, broj: 02-34-12005/22 od 04.08.2022. godine, („Službene novine Zeničko-dobojskog kantona“, broj: 15/22), a koji se prilaže uz ovaj zaključak i smatra njegovim sastavnim dijelom.

### II.

Ovaj zaključak, zajedno sa podnesenim prigovorom iz tačke I. upućuje se Ombudsmenu za ljudska prava Bosne i Hercegovine.

### III.

Zaključak stupa na snagu danom donošenja.

**PREMIJER**

*Mirnes Bašić*

Broj: 02-\_\_\_\_\_/22  
Datum, 01.12.2022. godine  
Z e n i c a

DOSTAVLJENO:

1x Ministarstvo za obrazovanje, nauku, kulturu i sport,  
1x Amila Begagić, Dr. A Aska Borića 41, Zenica  
putem Ministarstva,  
1x Ombudsmen za ljudska prava Bosne i Hercegovine,  
putem Ministarstva,  
1x a/a.



**Broj:** 10-34-1178-5/22  
**Zenica,** 22.11.2022. godine

**Vlada Zeničko-dobojskog kantona**  
**n/r premijer**  
**n/r sekretar**

**Predmet:** *Odgovor na Prigovor Begagić Amile, dostavlja se*

Poštovani,

U vezi sa podnesenim prigovorom *Begagić Amile* iz Zenice na konačno imenovanje, u provedenoj proceduri konačnog imenovanja predsjednika i članova Upravnog odbora Univerziteta u Zenici, (*iz reda osnivača*), okončanoj Rješenjem o konačnom imenovanju predsjednika i članova Upravnog odbora Univerziteta u Zenici iz reda osnivača, Vlade Zeničko-dobojskog kantona, broj: 02-34-12005/2 od 04.08.2022. godine („Službene novine Zeničko-dobojskog kantona”, broj: 15/22), kao odgovornog javnog službenika, a koji je dostavljen Ministarstvu za obrazovanje, nauku, kulturu i sport, zaprimljen pod brojem: 10-34-1178-4/22 dana 16.11.2022. godine, ovim putem dostavljamo izjašnjenje na Vaše daljnje nadležno postupanje kako slijedi:

Ponovni Oglas za imenovanje na pozicije predsjednika i članova Upravnog odbora Univerziteta u Zenici iz reda osnivača, objavljen je u izdanju „Službene novine Federacije BiH“ broj: 22/22 od 23.03.2022. godine, dnevnim novinama Oslobođenje od 16.03.2022. godine i na web stranici Zeničko-dobojskog kantona 17.03.2022. godine, a raspisan je na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), kao i člana 17.a Zakona o Javnoj ustanovi Univerzitet u Zenici – Prečišćeni tekst – („Službene novine Zeničko-dobojskog kantona”, broj: 1/18, 10/18 i 13/21), te u skladu sa Odlukom o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjene pozicije u reguliranim tijelima Zeničko-dobojskog kantona („Službene novine Zeničko-dobojskog kantona“, broj: 4/15, 07/15 i 11/16).

U predmetnom slučaju su u potpunosti ispoštovani principi zakona Zakona o ministarskim, vladinim i drugim imenovanjima Federacije Bosne i Hercegovine propisani u članu 3. u kojem je navedeno:

*„1. Konačno imenovanje se ne može provesti ukoliko nisu ispoštovani principi utvrđeni ovim članom.*

2. Osim ako nisu izričito izuzeti odredbama člana 4. ovog zakona svi principi imenovanja provode se na način kojim se osigurava poštovanje i primjena sljedećih principa:

(A) *Zakonitosti*: Odgovorni javni službenik osigurava da se sva javna imenovanja obavljaju na zakonit način i u skladu sa svim važećim pravilima propisima i zakonima.

(B) *Kvalitete*: Glavni princip kojim se rukovode sva imenovanja je princip izbora na osnovu kvaliteta putem dobro informiranog izbora lica koja po svojim sposobnostima, iskustvu i kvalitetima odgovaraju potrebi reguliranog organa koji je u pitanju.

(C) *Otvorenosti i transparentnosti*: Principi javnosti upravljanja primjenjuju se na proces imenovanja. Funkcioniranje procesa mora biti transparentno i, osim ako informacija nije povjerljiva prema odredbama člana 15. ovog zakona, kada je previđeno ovim zakonom, pojedinosti o imenovanjima u reguliranim organima moraju se obznaniti.

(D) *Zastupljenost pri upošljavanju*: odgovorni javni službenik nastoji da osigura da se kod imenovanja na javnu poziciju po pravilu održava sastav naroda i građana Bosne i Hercegovine. “

Također, u članu 12. stav 3. koji se odnosi na konačna imenovanja nakon intervjua, propisano je:

„Nakon što komisija za izbor dostavi prijedlog rang-liste kandidata odgovornom javnom službeniku on će, osim ako ima opravdane razloge (s dokazima koji to potvrđuju) da vjeruje da principi i procedure utvrđeni ovim zakonom nisu ispoštovani ili da bi imenovanje bilo kojeg od kandidata s predložene liste s užim izborom dovelo do sukoba interesa, osigurati da se izvrši konačno imenovanje kandidata koji je prvi na rang-listi u skladu s postojećim zakonima, pravilima i propisima. Ukoliko se ne može izvršiti konačno imenovanje kandidata koji je prvi na listi zbog bilo kojih razloga navedenih u ovom stavu, kandidati koji su rangirani kao slijedeći na listi s užim izborom bit će razmatrani za imenovanje.“

Dakle, Rješenjem o konačnom imenovanju na koji je izjavljen predmetni prigovor, imenovani su kandidati **Suvad Isaković** za predsjednika, koji je **ostvario ukupno 75 bodova**, kandidat **Nihad Dervišević** za člana koji je **ostvario 75 bodova**, **Kenan Kahrman**, za člana koji je **ostvario 74 boda** i **Jozo Bejić**, za člana koji je **ostvario 67 bodova** (iz reda kandidata Hrvatske nacionalnosti kako bi se osigurao princip da imenovanje po pravilu održava sastav naroda i građana Bosne i Hercegovine).

S obzirom na činjenicu da je kandidat za predsjednika i za člana **Amila Begagić** kao podnosilac prigovora, u istovjetnoj proceduri, **ostvarila ukupno 71 bod**, ista slijedom pravilno utvrđene rang liste nije konačno imenovana u navedeni regulirani organ, u odnosu na naprijed navedene i rangirane kandidate, a koji po pravilu odražavaju sastav naroda i građana Bosne i Hercegovine.

Rješenje o konačnom imenovanju predsjednika i članova Upravnog odbora Univerziteta u Zenici, iz reda osnivača, **i javno objavljeno u izdanju „Službene novine Zeničko-dobojskog kantona“ broj: 15/22**, a u skladu sa članom 13. Zakona o ministarskim, vladinim i drugim imenovanjima Federacije Bosne i Hercegovine koji propisuje da se „Odgovorni javni službenik stara da se sva konačna imenovanja odmah objave u "Službenim novinama Federacije BiH" ili službenim novinama kantona, grada ili općine“, a **čime je ispoštovan princip otvorenosti i transparentnosti odnosno pojedinosti o imenovanjima u ovom reguliranom organu su javno obznanjene**. U vezi sa naprijed navedenim napominjemo da se uvid Službene novine Zeničko-dobojskog kantona može izvršiti na službenoj stranici

Zeničko-dobojskog kantona [www.zdk.ba](http://www.zdk.ba).

Iz naprijed navedenih razloga smo stajališta da su svi navodi u podnesenom prigovoru u cjelosti neosnovani, jer je u predmetnom slučaju postupano u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine, odnosno da su u prethodno provedenom postupku do konačnog imenovanja, ispoštovani svi principi ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine.

S poštovanjem,

Dostavljeno:  
1 x Naslovu;  
1 x a/a, (02,04).

**MINISTAR**

*Prof.dr. Spahija Kozlić*

